

光緒山西通志

列女錄二十

錄三之二十

山西通志弟百八十一

賜進士出身頭品頂戴兵部侍郎兼都察院右副都御史巡撫山西提督軍務臣張爾琿
旨監修

貞烈

潞安府

汾州府

澤州府

程氏諸生申嘉行妻姜逆之變與一子三女胥爲賊繫引至
安城營伍中氏挽三女同墜營旁井死後月餘蹤迹得之凡
汲十二尸氏尸獨顏如生

長治
下同

宋氏貢生楊大任妻盜踵其門長女已及笄一子尙幼氏攜
子女同入井死

李氏諸生任憲妻避兵關壁村爲賊所獲據地求死賊遂殺
之

彭氏諸生郭永甯妻隨永甯避寇馬家寨賊攻亟永甯令去

氏曰去將焉往不如先死竟自縊

李氏貢生景光大妻賊至光大遇害氏謂其子星曰婦女被擄而死棄骸道路非禮也我死可穿穴井中匿我遂投縊死
朱氏申周翰妻夫被賊掠姑投井氏亦從之又杜大壯妻張氏賊掠破城村夫被殺氏觸石而亡朱翰垣繼妻阮氏避亂針漳村寇追同夫墜井死

李氏諸生吳大勳妻避亂潞城南社村大勳死氏哀號數絕越日縊於牀

王氏前明副使張克儉妻克儉監軍襄陽抗節殉城氏孀居無子姜逆變起避難故縣土洞賊攻垂破氏曰我命婦也義不受辱投懸崖死

賈氏蘇某妻殉夫自縊與姑袁氏人稱姑婦節烈鄉黨賢之

賈氏武女劉妻生長寒門賦性貞潔惡僧見氏少艾潛圖之始誘以利繼迫以威氏拒不從竟死非命紳士白其事置惡僧法氏節述著

李氏盧鳳鶴妾避兵至李家莊遇賊欲掠去氏罵不屈被殺鄉人瘞於死所今遺塚尙在

張氏周培翼妻聞警入避土穴賊偵知疑有珍玩掘土開穴穴臨深崖氏投崖爲賊所持挾之上馬墮地復挾者再卒墮而死時年二十有五

田氏宋近臣妻年十七姑臥病命氏取茶於圃鄉人李悅尾之欲逼行氏泣罵迫以刃罵如故遂被殺死七日事始敗露論悅如法雍正五年旌

袁氏鮑秀妻夫遠貿易袁獨處夜半有強暴踰垣發戶氏驚

縣志卷之二十一 列女第二十一
二
喊甚急村人出視皆議其爲王貴也是日值翁外出姑含忍
俟翁歸訴之王貴爲衆迫已服罪矣而氏以羞忿竟吞鉛粉
殞命知縣郭請旌之

崔氏馮成貴妻猝爲惡少馮得雙所戲羞忿莫釋投繯自盡
知縣吳案得實以烈旌

花氏關尹妻尹亡將斂擗踊呼天以頭觸棺血流墜裂旋卽
殞命

趙氏賈兆恒妻年十八兆恒病殂三日入斂畢遂登樓自縊
而死

秦氏姬永興妻年二十六夫亡悲號不已自縊而死

王氏平泰妻年二十八泰卒家貧無子氏變產爲殯葬計旣
就寢自縊以殉

郭氏康世譽妻年二十八而孀折齒斷髮矢志節撫二子俱成立歷十七年於清明埽墓歸絕粒而卒詳請旌表

王氏狄有義妻有義病沒氏年二十六兄公以家貧無依逼令改適氏曰婦人之義從一而終未亡人誓隨夫於地下耳兄公懼朝夕密防之卒秉夜自經里中人欽其節義公匾其門

李氏璵建周妻建周沒子方十歲既授室令輟讀出外就商未幾以疾歸遂不起氏仰天長歎曰是子死吾將何望璵氏一脈絕矣不如先亡遂自經焉里人咸爲感泣

郭氏宋便妻年二十五夫客死他鄉柩至痛哭暈絕復甦母慰之徐以改適諷氏密製衣衾乘夜靜沐浴更衣取夫冠服設爲位如生人狀自經於旁面色如生一時皆稱爲從容就

義士人多賦詩弔之

韓氏靳全德妻全德服賈於豫感疾卒概歸氏匍匐郊迎哭奠盡禮其夜乘閒白縊年二十六無子族黨以事聞得特旌郭氏李某妻家東火村村人趙成者素無賴詈語污韓氏大恚自縊明心族黨爲請旌

賈氏黃煥章妻歸黃未幾舅姑並逝夫亦繼沒忍痛營窆窆既畢一夕盡取什物鋼之一室懸鑰其門已乃盛服置牀柩旁臥其上以帛繫頸死鄉人爲合葬勒石誌焉

孫氏李三孩妻被無賴以穢語辱冒氣忿投井死以烈旌李氏韓某妻失其夫名土豪左派富索債其家出言詬詆忿而自經聞於官案鞠得實獲旌

常氏栗從秀妻里人申某素無行一夜行竊其家被執到官

自認行淫造爲穢迹詞連氏氏聞之忿極自縊明志嘉慶中旌

王氏和東安妻里人張安牢誣以穢行戲言相通大憲卽投纆死嘉慶中旌

牛氏張克禮妻克禮賈於外操作奉姑其後克禮病歸旋卒家故貧竭力營葬既反哭卽提缶而汲注甕令滿姑慰勞之不虞其有他也抵暮忽奮身投甕竟溺死距夫沒適百日也知縣張祖鸞爲撰記勒石

郭氏李繼元妻事舅姑以孝聞夫故視含斂畢纒首以殉族黨爲立碑表其烈

周氏崔亮采妻夫沒營葬畢仰藥死

李氏韓天申妻幼慧父炳京教之讀遂能詩十七歲歸天申

天申遊學卒於客喪歸撫棺哀痛絕食數日誓以死從家人力勸始進粥飲營葬具值重九整衣拜夫柩作詩數首投水死年二十五詩傳一時

韓氏武功承妻性剛介恪執婦道忽家中以事涉嫌仇之者造謠語搆其夫於翁夫屢受嚴譴不能自白氏歎曰父子若此恩絕矣吾以一死代夫剖心庶猶可相全乎遂飲酖死馬三子妻某氏失其姓夫沒無子投繯以殉

韓氏常折桂妻夫死身殉之又胡嵩妻郭氏亦以烈著

韓氏王永齡妻夫沒於外櫬歸乘間自經鄉人憫之勒石以誌其烈

岳氏訓導崔秉仁妻秉仁卒哀痛絕粒誓以身殉斂畢卽夕仰藥死

賴貞女父光儀監生江西瑞安人僑居於甯女幼字江甯陳氏子元豫未結婚而元豫卒女年甫十七聞凶耗絕粒毀容誓不他適家人從其志乃歸之於陳爲殷主而加笄焉事孀姑孝撫前室子恩義兼盡光緒中有司爲之請旌建坊

李氏趙龍麟妻姜逆之變避難西山路遇遊騎將劫之去氏罵不絕口賊怒裂尸剖心死

長子下同

曹氏舉人馮景星妻李氏諸生范鵬程妻遇賊被執俱不屈赴井死

高氏修武知縣范士偉妻孀居數載盜起擄幼女字生員趙完城者同赴井死

郝氏監生苗昭臣妻年二十六昭臣遠賈卒於途聞訃一痛幾絕及柩歸仰天歎曰苗氏家雖饒裕而無後何以生爲遂

投井死

段氏李二圭妻歸李二年而寡矢志不渝願以有殊色富貴家求之不絕翁貪其貲乃以分肥噉其父令徐說女氏伴諾之父歸未抵家氏闔戶自縊時年二十有一

王氏李八孩妻夫他往鄉人某昏暮叩戶丐其補袴氏以涉嫌辭而某更投以狎語氏恥之自經死乾隆中旌

楊氏曹珍妻珍業木工墜樹死氏晝夜哀號乘間自縊於梢側鄉人義之匾旌其門

郭氏趙建基妻建基卒氏朝夕涕泣上無翁姑下無子女盡禮殯其夫卽自縊邑令黃旌之

常氏侯同來妻爲強暴所迫守貞不汙自縊死建坊旌表趙氏牛士吉妻年二十而寡其翁欲嫁之氏恐不免卽自縊

死邑令李旌其門

崔氏羅珩妻珩貿易漢口客死三年柩始歸氏欲開視家人難焉氏曰吾聞漢口寄柩狼籍苟有舛奈何強啟視之良久曰雖多損是矣尋乘間自縊邑令王旌其門

馮烈女小字喜姐馮某之養女也年十四偶爲鄰人所戲憤慙自縊死邑令王詳請旌表

趙烈女小字興梅父民順村農也女幼字同里周根辛未合卺而根辛卒計聞女欲臨其喪父母弗許遂涕泣絕食得間自縊畧令劉芳猷勒石表其墓

馮烈女名秋果縣民元保女幼字儒童楊學紀學紀就傅晉陽病卒於邸女聞訃呼天號泣嘔血數升不服藥不飲食數日而死時年十七

傅氏馬時器妻。器病不起，氏泣與訣以從死。自誓既斂，尋自縊。翼曰：姒來慰問，呼門不應，毀窗人則氣已絕，面目如生，衣裙整肅，連綴甚固，室內滌除清潔，鑪香猶裊，哀未盡也。其從容如此。時年二十七。屯留下同

王氏武福只妻。夫弟汶彪惡言醜詆，忿而自縊，獲旌。

馬氏馮通元妻。夫死哀毀不食，家人婉言勸慰，含淚不作一語，尋自縊死。

周氏張新年妻。年十九，新年病沒，既葬哀痛迫切，月餘死。孫氏周通義妻。年二十餘，生一子，繼於夫兄及通義卒，孤苦無依，族人欲其改嫁。氏愀然作色曰：「與其事二夫而生，不如從一夫而死。」夜遂自盡。

陶氏常羣保妻。羣保病亡，氏問祖姑曰：「夫婦合葬爲時幾何？」

祖姑未會其意答以有日及百日之期就墓奠哭歸而自縊死

原氏孫釗妻釗卒誓以身殉半夜投井而死

鄭氏諸生李名閔妻年十九夫亡矢死或紿之曰墓封未百日不敢啟爾縊死不能同穴也氏諾及百日浣衣沐浴祭夫墓奠畢挽髮纏頸挂樹而死

襄垣下同

栗氏李小更妻年十八于歸甫九日小更之河南十年不返翁姑憫其少詭言小更死令轉適氏號泣不絕竟自縊

苗氏姚士前妻士前病沒氏擗踊長號曰夫死矣獨生遂赴井死

邱氏鄭敦仁妻廩生播周母也年十八而嫁以舅姑老子未週歲忍死事育歷十餘年舅姑以天年終既葬播周已遊庠

矣遂不食而死子婦馬氏後亦以節著

杜氏鄉民王某妻寓居武鄉墨鐙村家貧值歲饑里豪欲以非禮犯之氏力拒豪乃以利啖其姑姑迫之從至加以簪朴而氏堅持如故後豪肆強暴遂疾走墮巖死居人名之曰峭巖

劉氏王陳勳妻于歸月餘夫亡託其嫂爲夫立後投繯而死趙氏李珩妻年二十四珩沒未幾子亦殤泣曰吾隱忍不死者爲立孤耳今若此吾何復生遂自縊

溫氏栗清朝妻年二十五夫亡斂畢卽投縊死

崔氏李中仁妻夫沒矢守志節後因子死隨自縊

畢氏趙秋妻年二十秋涉河被溺氏欲投河以殉家人持之越數日防稍疏自縊死

王氏郭文正妻潞城人歸郭未期而文正病臥牀沈痾藥餌時或不具婦輒典釵環以供文正自度病不起屬曰我死汝年幼必嫁婦曰君疑妾耶當先君死矣即日投繯卒

史氏王發祥妻僑居平順鄉之王家莊年二十二發祥恆自刎以殉

陳烈女字珍姐許聘李希言義子某某不材兄三星議改婚女聞自縊死

陳烈女父杜早卒女許字李璽家貧母欲敗盟女覺乘間縊死

郭氏史天文妻生有子而天文感疾悞子亦繼殤婦仰天大慟誓以身殉葬之前投縊死縣令義之匾表其門

潞城下同

曹氏王達則妻達則遭危疾婦質衣釵延醫治之及遭喪日

夜悲泣葬畢自縊死

馬氏張洛槐妻洛槐感疾暴卒婦悲病誓以身殉斂夫畢投
崖死

張氏田玉郎妻父宣化諸生以青德稱婦結縞甫三月而孀
欲以身殉姑慰止之未幾姑感疾不起泣曰婦所以不死者
欲代夫盡子職耳脫不幸婦義不獨生及姑沒遂不食家人
勸之不聽絕粒數日而卒鄉人咸歎曰賢哉婦乎匪惟烈其
孝亦不可及也

李氏苗和妻家河泮村族中無賴某窺無人強迫之投以調
諗氏忿而自縊知縣楊案得實置某於法氏以烈旌

郭氏襄垣人歸縣民郭世廉世廉遭疾婦年二十二矣無子
誓以身殉疾革遂預服鳩從容視含斂凡附身者無不具前

蓋棺毒發遂卒去夫死六時許也所居儒家村咸義之合葬之日爭走弔焉

王氏張三旦妻三旦疾視湯藥晝夜不懈誓同生死及夫沒之日含斂甫畢縊於柩側年二十矣

張氏王維藩妻結縊三年維藩感疾卒氏痛哭絕粒死

段氏許孟春妻夫沒年二十四無子投崖以殉折其一股人救之甦中途復奮身躍下乃死所居耽車里在萬山中墓快於水族人欲啟骨與孟春合葬徧覓弗得婦忽附七歲女言曰某骨在大石下如其言果得之

李氏諸生常必達妻喪垣李海女也年十九必達病沒氏自縊以殉

衛烈女者小字甲女父安常居黃磯鎮同族某有女適諸生

萬卷書爲繼婦與甲女相愛一日婦省母歸過女室因留宿焉安常之傭工申存則素垂涎女是夜潛挾戶入將強劫女驚覺取牀頭刀力格之存則奪刀反刺立死婦喊救亦爲所殺安常與妻聞喊聲急披衣出驟遇於院又中刀斃並斫傷其妻臂斬關而遁官捕獲論如律女與婦並以烈旌

原貞女父際昇議敘從九女幼字田氏子普能未歸而普能病沒訃至力請於父欲奔喪父不可女涕泣不食乃送之往田故土族普能父連雲營官司訓感其義告之親族卽柩前成服加舛焉居數月以哀泣病卒年甫十六也

任氏劉攀桂妻年二十四夫遘疾氏泣謂鄰姬曰夫脫不諱吾年少無子奚以生爲攀桂卒含斂畢投崖死

平順縣

馬氏主事李甲黃妾代州人年二十五歸李知書識大義甲

黃遭危疾矢死乞從甲黃心許之康熙丙午冬甲黃卒於官
氏隨柩歸里既葬越明年九月氏忽語其母曰兒死今日者
悲貽夫子有婦人從死之名也母聞驚遽方慰之氏疾墜樓
死時年二十一嫡子獲爰啟父穴而附焉閔其志也家城同
石氏劉才妻才貧甚氏茶苦操作奉姑無間言才病沒三日
遂投井死邑令鄧文韶表其墓

趙氏諸生李深妻深以受誣憤恚亡氏號泣不絕雖旋俄死
王氏李進貞妻年二十一進貞卒既葬託言伺鸞遂入室自
縊

向氏劉加義妻牛氏劉加廷妻姜瓊之變俱被執同聲呼罵
賊脅以刀二氏延頸掠髮夷然就戮賊遂殺之月餘收其尸
形骸不毀通判牛倬弔以詩曰露冷風寒泣暮蛩哀猿啼處

弔芳蹤雙魂不逐鉛華落縹緲東山第一峯

壺關下同

晉氏皇甫德妻年十八避盜紅嶺寇攻急矢不辱身夫婦預相訣遂遇害

宋氏吳樾妻夫亡哀慟幾絕越日投井死

趙氏丁二則妻年二十六夫亡自縊以殉乾隆中旌

郝氏李忠妻年二十四忠卒自縊以殉乾隆中旌

王氏姬繼殷妻夫亡遺孤女二歲旣葬乃謂姊姁當善事翁姑皆不喻其意尋自縊

張氏武帝諸妻年二十七夫死於非命朝夕哀號誓不復生數日後歸省父母旣返卽自縊邑令旌之

溫氏馬士成妻夫亡斂畢自縊以殉

王氏郭洪坤妻夫亡投崖求死延數日而殞

靳氏秦文啟妻夫沒不食五日而死

蓋氏郭代享妻年二十一夫亡二日自縊以殉

申氏蓋廷按妻諸生登魁女也于歸旬餘夫沒氏呼天號泣觸棺幾死者再尋母家迎歸氏託言欲視翁姑返而自縊以死

杜氏馬士英妻年二十三士英臥病謂氏我死須擇勝我者嫁之氏泣曰此言胡爲來哉妾當先死以明志及疾革遂自縊翌日士英亦死

申氏蓋某妻族人子有以藝語調之者因自盡邑令張爲案其事詳請旌表

朱氏高秉玉妻于歸二年秉玉病沒自經以殉獲旌

苗氏楊如意妻婉婉有至性歸楊月餘如意卽隨父貿易歸

化城氏事姑處娣姒盡得其歡踰年父子俱客死櫬歸營葬
畢若不勝哀戚者人以其心莫測方驚訝間氏已投井死灰
出之顏尙如生時年二十一

郭氏宋鯁妻鯁亡母勸改適氏攜夫遺物登樓自縊閭里重
其烈匾榜其廬

郎氏姜福妻福亡誓不復生家人知之防護甚嚴乘隙自縊
邑令茹旌其門

楊氏秦崇五妻適崇五年甫笄數歲夫故以死自誓旣斂迷
絕粒七日而卒

李氏王道全妻嫁二歲而夫亡視斂畢卽往廚下具親友飯
略無戚容人咸疑之飯畢不見入室視之已自經矣年甫十
九

楊氏董三慶妻夫亡痛不欲生視斂畢墜崖死

以上潯安府

高氏董科妻年二十五而寡遺腹得男撫之守志妻逆之變避難靜村小竈溝中遊騎數輩迹得之氏大罵不屈遂遇害雍正中旌

汾陽下同

李氏杜根芽妻家赤貧夏月採蕨於山有李大成者先在山巔招之曰是可取也氏從而上旋入深林大成顧無人逼之氏不從擊以石復礮以鋤既死棄尸溝渠滅其迹初鄰有雷打差兒者見婦入山久不出迹而求之突遇大成倉皇失據打差兒詰得其狀歸語氏夫昇尸訟之官大成伏誅氏于旌齊氏雷龍騰妻龍騰早亡時值收穫屢請場園強暴趙之福犯之氏持挺格鬪趙擊以石傷而仆誓曰吾甯死不受辱力躍起趙復以石亂擊罵不絕口而死事發趙棄市氏蒙旌

崔氏史廉妻廉遊宣府死計聞痛絕復甦百計歸其喪迨夫
柩抵里氏曰吾心事畢矣是夕自縊

劉氏生員田錫蘭妻事舅姑盡婦職及舅姑沒夫感疾經歲
自知不起謂氏宜別爲計無自苦氏愀然曰是何言也因投
斧折之爲誓而告其父酒曰夫病劇而無子且有他命計決
一死以從父以立嗣勸對曰立嗣之事在父與田宗共圖之
不繫兒之存否也月餘夫沒氏檢視衣衾畢乘間扃戶自經
死年二十三

任氏任從漢妻夫沒無子安貧守志織紡奉姑並撫幼子女
其後姑以貧甚強之改適至於屢迫遂吞毒死時盛暑數日
始斂而如生見者咸異之

張氏失其夫姓名家國城夫無賴欲賣妻以償博債氏聞投

并死

郭氏姚思容妻事姑盡婦職年二十一思容沒氏慟泣數日水漿不入於口旋以身殉

耿烈女父客於外依母兄居其兄少年素無賴見妹年長屢挑以言女輒掩耳又欲肆其強橫以女峻拒遂挫折凌虐或竟捶扑女哭訴於母母不問乃潛赴於井而死

王貞女父臣福舉人女許字介休張氏子未婚而婿卒矢志不他適母兄即成其志遂歸張守節歷十餘年

馮貞女儒童任師沆之聘妻也奉親能得歡心及笄未嫁遭母喪哀毀特甚未幾而師沆訃至痛絕至十餘日不食父述榮偕家人迭相勸導始稍食而疾已漸作有別議姻事者輒不櫛沐不言語臥而泣衆見志不可奪竊導意夫家來迎姑

聞而賢之欣從其請將擇日迎以歸而女病已沈痼未及而卒

梁氏張國儒妻姜逆之變爲賊所掠不屈死

平通下同

劉氏貢生李冠楠妻被賊執毀形自廢不食而死

劉氏小字梅兒劉汝德女失其夫名姿容端麗夫無行投人爲奴逼令偕往氏號泣數日夜半母問之曰兒意已決次晨當行啟戶視之竟自縊

李氏張秉恩妻秉恩賈於外氏與嫗嫂毛氏同居鄰有任四小者乘夜潛撥門入強犯之李驚覺呼叫嫂應聲將至四小始遁氏忿甚召秉恩歸哭訴之即乘閒赴四小門刎頸死事聞予旌

介休下同

劉氏韓牛子妻年十八適韓夫外出不返氏奉翁姑無異志

己而翁以子音耗久絕勸氏改適氏不可則陰令媒灼強配
某姓車至門婦始知之痛哭託更衣投溷死

曹氏王世廣妻歸世廣六年而婦矢志不二母以改適強賂
之遂不食死年二十三

羅氏郭有貴妻有貴病痿躬奉湯藥歷三年不少懈家故裕
念無子女誓以身殉及病革整頓衣衾既具潛入別室自縊
踰日有貴亦死

曹氏宋鶴慶妻鶴慶與氏舅王某有隙因並惡氏乃殺某而
執氏誣以姦官考掠備諸毒楚終不承旋自刎死

冀氏郝玉珍妻年十九歸玉珍玉珍夙病瘵氏奉藥餌外營
異室寢玉珍將死目不瞑氏以同穴誓乃瞑遂悲號絕粒姑
強勸之氏泣曰昔舅沒而姑未亡者爲撫孤守節耳婦無出

宜死若事姑則妯娌責也終不食七日仰藥卒

董氏白光斗繼妻歸光斗撫前子如已出光斗卒欲仰藥以殉前子覺救得甦多方勸慰卒不食而死時年二十七

王氏縣民王永泰女也適霍氏子肇康遊蕩失父母養氏勤紡績鍼黹爲奉侍資而肇康每歸猶迫索贏餘易錢飲博氏苦諫至泣下終不悛且時懷鬻婦志氏知之矢死不二翁姑亦屢慰藉而無如子何也一日肇康引博徒入室意將逼脅以從氏知難免挺身出奔樓上且哭且罵墜樓而死塼盡裂死三日方斂顏色如生時年三十一

梁氏趙攀武繼妻年十八攀武沒撫前室子矢守子長既娶而天氏號泣幾絕旋立從子爲夫嗣而族中無賴相與譟誅且肆侵辱氏大恚自縊死

李氏雷銳妻歸三年銳病沒誓以身殉不食數日死

侯氏胡宗廉妻年二十二宗廉卒號泣欲以身殉舅姑慰止
氏哀不自勝屬其孤於嫂氏未踰月竟死子炳章程章後並
顯

閻氏張有倫妻有倫卒子甫晬氏哭之慟姑以立孤爲言勉
從之越歲值夫忌日哀不自勝竟絕食死

范氏張崇棧妻年十九夫亡絕粒死

任氏溫璘妻溫以家貧客遊江南死聞信痛哭幾絕親族憐
其無子勸之他適氏不答一日浣衣歸闔戶自經死

靳氏高某繼妻結縭後高往江甯踰二年歸旋病死氏年二
十自縊以殉邑令旌其門

侯氏羅本誠妻吏目侯爲龍女年十七于歸本誠已臥病氏

卽奉侍湯藥踰月遂沒氏哀痛欲以身殉爲家人所覺不果
減食一月而卒

盧氏浙之山陰人性至孝幼遭父疾割臂肉療之年二十四
歸藩經厯馬升爲繼妻一年而升遭疾旋劇氏復割肉和丸
進卒不治含斂畢乃登樓奮身下墜齒股俱折絕粒經旬死
嘉慶二十一年旌

郝氏隴州人幼鬻於邑諸生樊嘉猷家年及笄適郭某郭故
貧會歲歉無以爲養諷之嫁氏誓不去郭得娶者財而強逼
之氏知不免遣子告主家乘閒自縊

郭氏張佩武妻佩武沒視斂畢縊死棺側年二十二邑令陸
立石旌其里

康氏監生任子聰妻李氏馬氏其妾也子聰蕩費無節氏等

屢勸不聽產既盡耗追悔莫及恐爲鄉人笑乃與妻妾謀欲俱死並諾之值中秋沽酒盡醉同時自縊時康年二十九李二十四馬方二十八異之

韓氏程駿發妻駿發卒不食九日而死

張氏梁中昌妻李氏李毓美妻章氏張保圻妾張氏郝敦仁妻郭氏溫希賢妻降氏靳華妻並殉夫死

閻氏孟某妻縣民閻保泰女也夫亡殉節死又劉氏劉經源女適蘇以和之子某結縈百日夫卒自盡以殉

杜氏李光球母也與光球婦陳氏並以烈死

孟氏李開洪妻強暴夜入其室迫之不從脅以刃氏怒罵力拒如初遂遇害并其幼子殺之事發捕強暴置法氏予旌李氏房吉妻家貧鍼荷自給里有惡少屢調之氏峻拒一日

踰垣相遇氏拔刀刺之負傷驚走夫歸泣語以故夜投水缸
死事聞給旌惡少論如律

張氏佚其夫姓名隨夫寓南陽夫死負骸歸葬納詩於懷自
經死

馮氏張友三妻與同里李嘉言妻郭氏其子瑞書妻胡氏值
朱景詩叛勇過境懼不免辱相率投崖死

石氏武奮雲妻及弟奮翼妻郭氏並早孀值歲祲斷炊負子
女赴井死同時節婦賀錦盛妻范氏亦投井完貞

郝烈女郝林高女也年十七許字閭管城營城暴亡聞訃請
於父母往弔已欲留奉翁姑翁姑不許而反或勸改聘作色
曰吾生平坐不易席肯事二夫乎遂縊而死前一夕涕泣告
父母兒死後毋更沐浴易衣斂於男子之手比死面色如生

香氣經宿不散遠近傳異之

毛烈女毛顯斌童養妻也年十九未成禮顯斌遠買不歸族在外別娶姑憐之擬令改適女聞投水缸死

任烈女張大佩聘妻也大佩遠遊不歸父母將改字女不從及事迫憤恚投水死

冀烈女縣民士運女也年十四鄰子豔其色脅以白刃女抵死拒被戕事聞予旌

郝貞女縣民郝伯達女也許字祁人都事王應璧未嫁而應璧卒女奔喪卽留其家守節以終事聞予旌

王貞女故汾陽宦族年十七字縣人張應恒之孫宗堪未婚而宗堪以疾卒女縗服臨喪守義終身性靜嫻孤銍緇帳未嘗一出廳屏

貞女永姑張蘭任氏婢也幼明慧任夫婦病且死子女方髫髻目不瞑永姑誓不嫁撫子女既長成送以處女終任子崑鍾厚葬之立碣表其墓

梁氏李守忠妻守忠被壓死氏號泣三晝夜自縊以殉孝義下同

李氏王某妻無賴某欲逼汙之氏怒罵不屈被毆死

白氏諸生趙本妻夫死誓不獨生乘閒自縊臨縣下同

薛氏王爾銓妻年二十四喪夫無子女晝夜悲悼絕粒死

蕭氏白琦妻營卒石二逼汙不從石裂其裝服體被重創尋

自縊康熙四十八年旌亦見永甯州志

蘇氏廩生楊位三妻年二十七而寡遺腹生子家貧纒紉

濯以撫之事繼姑極孝子既長微有生計適歲大穰子病沒

亦自縊死

楊氏段補成妻年二十夫亡遺孤三齡翁姑垂老家貧操作以資事育翁逝姑又喪明氏出入扶持晷無怠志適歲大祲姑又沒無力治喪痛極自刎死鄉人悲之

李氏失其夫姓名生有姿色而夫甚蠢愚氏不以爲嫌有強暴欲犯之氏誓拒忿極尋自盡

李貞女縣民光宗姊也許字某氏子及笄未婚壻應童子試未售歸而病沒女年十八抑鬱絕粒而卒

高氏諸生王仕皓母進士高志女也夫坐事氏懼辱自縊州下

賀氏王天順妻年二十一夫故家貧無子女遂自經里人哀之

白貞女父元奎村居女幼字宋振全子養正養正因逃塾不

知所之三年無音耗振全議退婚女聞之誓於父母前願終
歸宋以死自誓元奎乃從其志女入門事翁以孝聞數年翁
沒女典質殯葬族嫗有賄者皆不受未幾亦死里人爲請旌
並徵詩文紀其事

賀氏諸生王球妻姜逆之變球挈家奔竄轉徙無常所球問
語賀曰脫逢賊汝奈何氏曰死易事耳肯辱君耶尋賊黨劉
定國據縣叛球父子得被害氏方鄉居凶問至從容出門牽
裙蒙而投懸崖死甫鄉下同

郝氏靳可榮妻被賊執挾持上馬反折投地罵曰賊奴我清
白婦豈汝從耶賊怒殺之

馮氏趙靖妻一日外出行度危巖遇族人某欲肆無禮氏怒
誓力與搏斃巖下負傷垂斃某懼事發復以帶勒死之雍正

元年旌

張氏王清楠妻年二十一夫沒自經死乾隆中旌

楊氏字了娘曹周兒妻本永甯州人幼失怙從母適縣水峪村曹某周兒卽某族子也周兒固貧且愚懦寄居鄉豪家豪密挑之氏峻拒急勸夫移寓他所會周兒以事他往久無音耗豪以募求女工爲名令舅母招氏於家盛服至出錦帛陳氏前語漸媒孽氏拂然而歸飲泣終日其夕自縊死

劉氏王嗣德妻嗣德病劇以子女屬且曰如不能守嫁亦恒情也氏泣曰君疑妾耶請先死以俟君於地下可乎其夕沐浴盛服投繯而死一時競稱其烈

劉氏高升雲妻夫沒氏年二十五晝夜哭泣飲食不進越數日亦死雙柩同殯鄉人皆重之

喬氏廩生周士達妻士達館於外病沒喪歸氏以頭觸棺求死家人以遺娠爲言乃節哀強進飲食既產得女復殤哭曰今何望乎屬娣姒善事翁姑旋自經死被旌

賀氏生員王金菊繼妻夫沒氏年二十晝夜哭泣不食七日死

高烈女縣民高催次女年十四許郭爲屏未嫁爲屏故日夜號泣自經以殉其舅舉人郭遵熙作墓表乾隆中旌

趙貞女趙振麟之女年十二字永甯張貴善之子某未婚而墮沒父母取張氏聘物將還之女不可取槓鎗佩之堅弗與且請奔喪父母何之終日哭泣飲食少進踰月而死

以上府

右潞安汾州二府一百九十七人

焦氏舉人張應嵩繼妻年二十二應嵩卒於客誓以死殉葬

畢不食死

下同

苗氏趙良富妻良富貧賣炭營生傷力卒氏誓不獨生毋謹防之至敏曰謂母曰彼將就木我必往視久不返覓之已縊溝中樹矣又種菜人李養德妻畢氏亦殉夫死人並異之王氏朱明紘妻年二十一而寡甘貧字孤孤尋殤氏痛哭曰我久不死者爲朱氏延此一脈今何望哉遂不食九日死段氏楊于修妻年二十二夫亡乘隙縊柩側

宋氏霍維鏡妻維鏡客死氏年十八聞訃卽自縊死縣令表其門

馮氏姬祥年妻年二十七夫亡七日自縊死鄉鄰悲感爲之罷社

許氏石成洲妻成洲貿易客死柩旋里氏撫柩痛哭自縊而

死

朱氏趙繼陶妻夫亡自經死縣令勒石表之

張氏牛履正妻履正沒一月自縊死

秦氏王錫齡妻錫齡遊學客死氏聞信投繯以殉

晉氏李光第妻光第客死江南樞歸葬畢自縊死

孫氏來銓妻銓病亟氏泣曰待我片刻耳會即相見及銓沒其日自縊

楊氏岳孔昭妻夫亡無子屢覓死姑勸之乃止奉養二十餘年姑既沒氏爲立嗣營葬絕食而死

秦氏曹廷琦繼妻廷琦沒即促其弟廷璜爲立嗣旋於夜間自經距夫亡甫旬日耳

連氏韓洪妻洪客死於楚樞旋日哭奠畢自縊死

原氏諸生馬驥雲繼妻幼讀女誡明大義夫亡水漿不入口
棺歛畢不食而死

董氏盧金蘭妻金蘭客死柩旋里氏盡質簪珥衣服以葬即
於其夕束髮整衣自經以殉時年二十四

馬氏諸生周定邦妻二十三而寡子亦繼殤惟與孀姑孤苦
相依踰廿年姑卒既葬氏曰吾事畢矣絕粒七日而卒

祁氏岳天增妻夫亡遺孤方周歲未幾殤嗣以從子復不永
年無何所遺孤孫又夭守節幾三十年矣痛夫嗣之竟絕也
呼負負而死

李氏李佩妻歸佩生二子而佩遠賈久不返子既長尋父渡
河而南歷數省無所遇氏痛哭暈絕仆地流血而死守節二
十九年

趙氏靳瑞祥妻年二十二夫亡痛哭絕而復蘇者再家人慮其尋死防之甚嚴氏佯爲節哀乘間自縊

馮氏王裕德妻裕德客死宿州氏朝夕哭奠託二孤於夫兄旋縊首於總帳前年二十八

呂氏劉鎖妻結縈三月而鎖亡遺腹生子亦殤遂自經時年十九

段氏郭金鼎妻金鼎卒卽夕自經以殉

趙氏蘇成泰妻年十九而孀忍痛以奉翁姑越五年翁姑相繼卒葬訖曰吾事畢矣投縊死

梁氏孫榮魁妻榮魁沒遺孤方四歲無何病殤乃急爲夫營窆殯力不給鬻衣裙以佐之葬有日矣自縊死族人遂與榮魁合窆焉

宋氏楊世和妻世和沒無子氏爲立嗣託其三孤女於夫弟
自縊死

王氏趙元長妾元長卒嫡憐其少欲嫁之氏潛入別室沐浴
嚴妝焚香拜奠卽柩側自縊死

岳氏張金聲妻歸張後姑沒翁凡數娶氏曲盡婦道翁卒繼
姑亦薨遺三孤皆幼稚撫之有恩義及遭夫喪卜日將葬前
期七日自經死遂與夫合窆焉

司氏諸生史義炳妻歸義炳生子峻甫辟義炳遊學不反家
貧奉姑養子以紡績爲生姑沒後令峻尋其父於楚豫諸省
杳無音耗氏悲號發病卒

郝氏李文徵妻文徵卒卽日仰藥死

郝氏成紹康妻紹康客死於外氏聞訃自縊姑救之復甦念

姑老無依忍痛侍養茹苦食貧踰十年姑卒水漿不入口七日死

郭氏范淑恒妻歸郭二年而孀絕粒七日尋自縊死

楊氏閻士彥妻于歸七月而夫亡誓以身殉姑勸之始毀妝成服忍痛事姑三年服闋值夫忌日奠墓歸自縊死

馬氏樊金元妻夫亡年方十九即欲身殉以有遺腹猶望生男及生乃女且天悲痛絕食餽金剛經而死

王氏趙連珠妾連珠卒未除服家人有私議其青年難守者氏聞默然歸闔整衣裙自縊死

孫氏王鳳翔妾鳳翔亡年十九嫡欲嫁之氏聞服毒死

崔氏王大武妻殉節死

李氏賀明章妻年二十二而寡孝事孀姑姑沒既葬其夕以

被蒙面死守節二十四年

薛氏趙元長妻年十六殉節死里人勒石以紀其烈

段氏趙和菴妻夫亡殉節死里人重其烈勒石記之

錢氏諸生賀士秀妻年二十二士秀卒遺腹生子未幾殤氏
悲痛絕粒死

史氏李秉倫妻年十五夫亡家貧無以爲斂乃典嫁時服飾
以襲事七日哭奠畢遂自縊死

史氏李達科妻年十九歸李踰二年夫亡決志殉節家人曰
夜防之既葬乘間仰藥死

某氏諸生楊儒義妻年二十八夫亡不食死

李步霄妾圭娥逸其姓步霄卒以身殉時年三十一

田氏劉鎖長妻年二十八夫沒未斂自盡以殉

魏氏姚登瀛妻年二十五夫亡家甚貧孤女方在抱氏悲痛
割愛毅然自盡鄉鄰哀之勒石以記其烈

王氏郭有良妻年二十四夫亡悲悼痛哭七晝夜不息縊死
柩前

趙氏焦廣廉妻年十九歸焦甫五月而姑奉養翁姑繼姪爲
嗣姪旋夭翁姑亦繼逝祝敘畢仰藥死

丁氏李荷林妻年二十四夫亡無子繼姪爲嗣無何姪又夭
一夕自經死

毛氏趙六藝妻六藝沒殉節死

勒銀倉妻某氏適其姓銀倉病革氏與訣誓從死及沒家人
防守之竟於斂之三日乘隙投泉水死年甫十七

趙氏成隨得妻年二十三夫亡痛絕復甦不食七日死

樊氏趙銀法妻夫亡三日自縊死

石氏王永春妾永春卒投繯以殉縣令楊躬往弔之額旌其

閨

李氏樊如玉妻夫亡悲痛成疾踰年值夫忌日哭奠畢自縊死

馬氏梁惟柏妻夫死殉節

王氏申永發妻夫亡無子朝夕涕泣旋以悲憤致疾死

申氏黃安良妻年二十五而寡事姑撫孤備極勤苦中年孤又夭哀痛迫切因之殞身

陳氏申安貞妻夫亡遺孤甫三齡忍痛撫育以延夫嗣及子死遂自縊

岳氏楊珉妻年二十珉卒晝夜號泣淚盡繼以血勺水不入

口七日死

孫氏劉麗培妻夫沒無子氏朝夕悲泣三月後仰藥死

王氏裴旺妻夫亡孝事姑未幾姑亦逝遂投水死

侯氏趙子偉妻子偉卒以死自誓葬畢水漿不入口遂餓而死

王氏段紱妻紱服賈沒於外間計投水死

張氏申恩妻夫亡投繯者三皆以救甦卒悲痛成疾死

連氏唐建章妻夫沒撫孤成立從容殉節

蘇氏李震昇妻震昇亡遺一女在襁褓撫之既嫁殉節死

盧氏來殷元妻殷元卒視含斂畢自縊以殉

王氏秦三元妻夫亡悲痛絕食乘間仰藥死

張氏李谷椿妻夫亡悲痛絕食死

史氏王協中繼妻夫亡不食三日死

苗氏甘泉知縣陳澤農妻從澤農居任所值土匪亂賊以刃迫令解衣大罵不屈遂遇害

鄒氏原永錫妻年十七歸原甫四日永錫辭家客遊未幾死旅邸氏聞訃慟絕復甦姑慮其尋死防之三日姑他適登樓自縊

趙氏郭周垣妻周垣沒自縊以殉

許氏李坊妻坊沒絕粒七日不死縊於柩側

趙氏張秉建妻年十七于歸秉建夙有疾臥牀六年氏侍藥餌始終不怠疾不起即夕自縊鄉人立石表其節

顏氏董德豐妻年二十四夫亡哀泣七日以淚巾自塞其口立身棺上綴首屋梁以死鄉鄰匾表其門

劉氏賀在田妻年二十四夫死無子請於翁姑爲立嗣議既定盛妝拜宗祠及族眾卽夕自縊

司氏桑繼嶺妻繼嶺外出遇亂死氏聞亦自盡

楊氏李彬妻彬卒殉節死

田氏張鳳來妻鳳來沒年二十三守節歷十年自縊死

馮氏李丕基妻夫亡自縊死

衛氏份生郭繼張妻年二十八而寡事姑六年深得歡心及姑沒既葬請於夫兄爲夫營墓潛縫其衣帶令固結乘間投井死

和氏武生焦致中妻致中沒無子鬱鬱不食氣結而死

陳氏段華妻年十五歸華華賈於沛抱病旋里氏方在母家聞信歸此至而華氣絕矣痛極卽夕自經死縣令表其門

張氏王義妻義亡子亦死繼姪爲嗣營葬既畢閭戶自經郡
守表其烈並記以詩

邵氏薛銑妻結納數月銑病沒未敢聞戶自經縣令勒石表
之

李氏陳保財妻保財死無子繼兄子爲嗣營葬既畢從容投
繯縣令勒石記其烈又董士傑妻郭氏董廣仁妻李氏並於
夫亡殉節縣令皆匾旌其門

王氏袁廷珍妻廷珍貿易客死喪歸欲從死念姑老家貧忍
痛侍養及夫弟長能奉母矣乃從容自縊

李氏李玉霞妻張氏李玉璇妻並以夫亡無子自縊以殉

郭氏原敦法妻年十六結縞甫數月敦法病亡絕食七日尋
自縊死郡守匾旌其門

焦氏李松年妻夫亡次日自經死學使匾旌之史氏李晉妻
晉沒旬日亦自盡以殉縣令匾旌之

牛氏許成意妻成意以家貧餬口他方氏鍼帶自給年三十
而成意卒遺二女尙幼氏哀慟成疾未幾亦死里人悲之助
贖以斂合葬焉又史玉成繼妻溫氏夫亡無子亦悲慟以死
謝氏張世遵妻家貧無子世遵沒泣曰赤貧如此孰肯爲夫
嗣者生既無益不如從死之爲愈也乃投井死

宋氏岳孝孺妻孝孺卒以死自矢家人勸慰百端志終不改
從容自盡去夫亡未期月也郡守王表其門

李氏魏夢熊妻年三十而夢熊卒家貧無子氏飲泣茹痛以
奉養姑踰年姑病沒自經死

原氏靳百川妻年二十三夫亡欲以身殉念遺孤方在襁褓

忍痛鞠之服除後孤已免懷遂自經於夫之柩側鄉黨欽之立石以記其事

晉氏李光恒妻夫亡自縊死

李氏郭德昌妻德昌貿易外出鄰無賴某覷其獨居百計誘之不能得乃集惡少三人攜酒食夜半破扉入脅之從氏恐被汙給以好言託故出急投井死

顏氏儒士王慮妻結縢三年慮墜馬亡氏痛哭欲殉爲家人所持越二日竟蒙袂投廁死邑令陶匾旌其烈

張氏劉海全妻年十九而婚無子爲夫營窀穸既成曰此門一閉不復再開矣遂於將葬之前七日自縊

時氏都立三妻年十九夫亡無子葬畢從容盡節又馮永清妻曹氏亦以殉夫死

張氏儒童陳印堂妻年十六于歸越三年而寡鄉鄰以其齒稚有竊議其難守者氏聞即自縊死

趙氏趙小東妻年十七夫亡絕食七日不死尋自經

柴氏郭廷模妻廷模卒悲痛不食九日而死

周氏宋彭年妻事翁姑以孝聞夫亡七日仰藥死

都氏杜承熙妻夫亡無子誓以死殉營葬既畢哭泣成疾不食而卒

劉氏呂豫林妻年二十六豫林卒未幾遺孤亦殤啟舅姑抱姪爲嗣爲娣姒所尼乃請母家與訣歸取夫之衣裳悉焚之潛飲酖盛服拜舅姑即入正寢曰婦死以正當畢命於此衆方愕然毒發死

張貞女父廣土幼許聘徐弼世弼世卒女請往弔母不許復

改字范氏子羔雁至女始知痛哭欲繼母曰我老矣兒若此
我請先女唯唯厥後昇至范門止不進疾聲謂范父曰我徐
家婦何強逼爲也我隱忍至此者爲老母耳進去吉服裏縞
素上下縫紉不可解觀者百千人范願退婚送至姁家次日
而返至弼世忌日向墳頭哭奠訖易服拜翁姑執婦道甚恭
歲餘卒

張貞女許字苗咨未婚咨卒女奔喪守志孝事孀姑姑亡葬
訖乃不食死雍正九年旌

范貞女蕭正家聘妻也未婚而正家病沒女年方十五聞訃
奔喪哭奠成服守志十五年

李烈女許字崔辛禮辛禮亡女躬往弔哭泣盡哀遂留事孀
姑縣令聞而嘉焉令族人爲立嗣後竟投繯死與范女並旌

趙貞女父光獻貢生女許字吳氏子廣玟未娶而廣玟父母俱逝有祖母病癯女嘗應召視疾焉未幾卒葬有日廣玟亦死女年方十四痛其家之竟絕也誓不更字告族人爲翁姑立嗣經紀塋葬守節十四年旌

周烈女訓導周壽朋友也幼字王佚未婚而佚病亡女聞訃悲痛絕食三日嘔血死

韓烈女父憲村民也許字鄰村梁廣泉廣泉亡訃至女欲奔喪父母不可哭泣覓死乃許之其家惟孀姑存因留侍姑與愛戀相依爲命歷五年姑逝葬畢其夕自縊死邑人崔沆爲之傳後被旌同旌者又有裴貞女秦朝模聘妻也事蹟失傳王烈女父世杰諸生女許字聶公佐年十五未婚而公佐沒聞訃悲痛不食死

都烈女縣民邵廣德女也年十五許字劉氏子某劉子病沒女自縊死

司烈女司子敬女張大全聘妻也大全亡女自縊死距大全死甫二日鄉人立石以表其烈

樊烈女字改花幼字王石林將娶而石林亡父母以女性剛懼有他變防之甚嚴女佯爲言笑乘隙潛出投井死縣令蘇張其閭

李烈女舉人陳培坤之子交運聘妻也未及結縭而陳子病亡女悲哀不已父元與議婚他姓事將諧父聞絕食勸之弗聽竟餓而死

史烈女許字來文年及笄未嫁文卒女赴弔拜翁姑成服歸而自經死邑令勒石表之

李貞女許字崔氏子辛卯辛卯亡聞訃自縊死年十五

田氏監生李棠繼妻己丑土匪張斗光煽焚瓌餘燼澤潞騷然劫掠無忌氏避亂東莊煤窰賊薰攻甚急尋被執氏罵曰吾以名門女適名門豈從汝賊賊怒露刃脅之罵愈厲立斃刀下時從賊者無不愧歎

高平同

王氏生員趙建紀妻年二十五夫死投繯以殉遺一女弗顧士林哀之

程氏趙之秀妻年十九之秀死無子姑以家貧迫令改適氏給以服除及期姑設計攜婦往女家道逢數人目注氏氏覺謂姑口已彼細看往女家何爲別姑獨歸未至家長號一慟縊夫家旁時年二十一

秦氏諸生李德恒妻年十六適德恒孝舅姑敬夫子姻黨稱

賢越十三年德恒病革氏泣語德恒曰君無爲我念我必以死殉德恒戒不可氏頷之及德恒卒斂畢氏以頭觸棺幾斃死志不變家人守之會翁痛子感懷憑棺大慟舉家胥奔勸氏乘間自刎死其兄疑有他故訟之官凡六閱月讞平始殯面猶如生

王氏張珽妻幼失怙恃育於嫂年十六歸珽珽亦少孤依舅氏以居氏婉婉順從越十年珽遭疾篤慮婦少無依氏泣曰君脫不諱我忍獨生耶及珽卒斂訖闔戶自經面槪而立吳氏段琬妾琬病藥罔效氏割股以進疾遂愈後生子甫三歲琬卒氏引子置女君鄭氏前不食月餘死

李氏武甯基妻家貧夫不任事藉氏十指爲生父以甯基愚逐僞僧勸氏改適氏聞以履授甯基曰若不復著此履矣乃

縊

李氏王元妻歸元七年元客死於豫子甫三歲氏自度育子不若從夫投繯死

范氏李海妻海遠出姑命往鄰人王元家索逋數元誘閉之士室中強犯之氏怒罵力拒元擊以磚斃割其首女往尋母並害之事發抵王元法

張氏陳錫遠妻夫死殯畢即闔戶自經家人救得甦未數月卒嘔血死

姬氏袁蔭召妻夫沒無子屢尋死以救得甦父母勸其以奉孀姑爲重及姑卒五日氏仍自經

郭氏張映奎妻夫亡自縊死

龐氏王民峰妻里有惡少誣以戲言羞憤不已遂自盡

秦氏牛氏歸皇甫家夫爲羣從兄弟同賈於外死焉牛氏聞信立自盡秦氏曰吾將有待及夫襁至亦以身殉並獲旌任氏王秉忠妻夫遠遊不歸王胡保瞰其獨居徑犯之堅拒不從被勒死官捕胡保置之法氏以烈旌

史氏李從枚妻從枚家計甚窘氏紡織以給無幾微怨色值歲饑益無聊謀諸氏令別適以求兩全氏不語嗚咽而已從枚竟鬻諸人既成約矣氏聞投甕死

李氏李保興妻嫁甫五月而夫亡氏求死不得閒明年元夕自縊死

申氏武生郭維洲妻維洲沒投繯自盡

朱氏韓鎮妻歸韓一年夫病亡氏哀痛不已絕粒卒道光中與史氏諸人並旌

焦氏李則新妻鄰人李庚德乘間挑之義不受辱投井死案定庚德伏法氏給旌

李氏宋銳妻銳卒日夜涕泣姑恐其死防之甚嚴乃洋洋如平時防稍懈遂飲酖毒發家人以爲疾也延醫治之氏不肯服藥曰能速吾母來一見足矣竟死道光中旌

常氏賈葆元妻夫亡勺水不入口者三日姑垂泣謂之曰汝志良佳然汝死誰養我乃強起奉姑姑沒悲慟而卒同治中旌

趙氏張振勳妻夫故不食八日死

黃氏吳玉珠妻夫沒遺一女甫四歲其姊知氏性烈環守十晝夜氏給之曰吾何忍舍此呱呱者而遽死也衆信之少懈其夜遂自經死

劉氏司紹海繼妻紹海沒遺孤在襁褓含痛鞠之閱四年孤病殤以夫嗣竟絕悲憤自裁

韓氏楊武元妻夫沒無子營葬畢投繯死

林氏暴戾甲妻夫賈於外客死一女尚幼忍痛鞠之已而女亦殤遂自縊

吉氏郭廣興妻夫沒亟營殯葬遂引決而卒

某氏崔守誠妾失其姓嫡劉不善遇之氏默守無怨色而事守誠母得歡心母病守誠亦病且不起氏以死自誓母曰爾死我病將益劇氏感泣日夜侍側不少離俄而母卒氏託浣衣投池死同治中彙旌

李氏郭宗珍妻夫沒無子將以身殉姑曰爾死如我何我死爾死可也氏泣而從之逾月姑卒氏不食十餘日死

張烈女四姐年十三母及兄他往鄰人宋起生強犯之四姐哭罵不已鄰婦聞而勸止羞憤不釋尋自縊死

郭烈女大則父文忠村居女年十五摘瓜豆田間同里張保全誘至僻地欲汙之力拒不從保全鑱傷其頭頸去父覓至負歸越二日死保全論如律

張烈女幼許字牛氏子未婚而牛氏子亡女年十九訃聞暗泣父母改字靳氏女誓曰願作牛氏鬼不爲靳氏婦親迎有日盛服投繯死其夜牛氏舅姑夢女至其家

秦貞女鳳臺人許字武廷詔年十六未婚而廷詔死女奔喪成服事舅姑克行婦道

郭貞女趙發陞聘妻也發陞病亟迎女入門未成禮而卒女屢欲自盡卒不得聞及妯至女曰有代我養姑者矣俄以疾

卒

侯貞女石庚寅聘妻也庚寅沒女聞訃痛哭請於父母願歸石氏父母嘉其志從之同治中旌

郭貞女幼字李因天未婚而因天病沒女聞堅臥不起殯有日請於父母往奔喪父母嘉其志而終弗忍其以處女畢一生也女仍堅臥不起乃以告其舅舅舅亦難之女曰寄語舅吾生不歸李氏死亦歸耳遂不食舅喜聞於縣令縣令龍以綵仗鼓吹導以歸並匾旌其門

王氏諸生張任妻年十六歸任甫九月而任以病卒氏絕粒慟哭含斂畢即自決姻黨勸進飲食命婢媼環守氏佯盥漱櫛繞起居如常私檢遺篋以小物遺諸女奴密陳襪衣手紉之餘悉鍼封給婢媼往造食以夫故組自經後任死僅一日

也事聞予旌士大夫詠詩成集時復有石范二烈婦大學士

陳廷敬爲三烈婦傳

陽城下同

白氏衛宗聖妻嫻文訓婉執婦道孝事嚴姑貧不聊生攜子就養母家得甘旨輒遺姑宗聖沒忍死百日號泣請父母資棺衾葬具粗備中夜投繯死

李氏儒士石基永妻年二十餘基永以勤學齋志沒遺孤甫二歲基永死之明日孤亦死李因盡納永基詩文於棺給姑寢自經以殉縣令都甫旌之諸生韓蘇爲文記其事

裴氏張琦妻琦賈河南客死禹州氏聞號泣絕食數日不死其兄具物祭琦氏曰姑待我家人防益嚴強之食乃稍稍食以安之越日黎明自經死

栗氏馬艾志妻艾志爲土崩壓斃氏年甫十七無子女聞夫

死悲號踰月別父母從容雉經

王氏譚佳章繼妻息縣人歸佳章三年佳章病沒氏墜樓幾殞姑多方勸救曰俟夫葬後送還母家氏亦恐以身死累姑給兄至與訣哭拜夫靈窺家人稍疏閭戶自經

楊氏諸生許思睿妻思睿沒於江南之金山氏立意殉夫絕食十數日而死妾王氏矢節撫孤終身如一邑人田六善有詩輓之

張氏儒士楊激妻激卒無子年二十四絕粒誓死其母以立後勸始進食嗣子鵠復嗣一子冰蘖自持孀居十年事母稱純孝母卒竟不食死

甯氏王維城妻維城病沒無子斂之前自縊以殉

原氏名愛縣民劉國瑞妻國瑞客遊與疾歸遂卒氏年二十

五遺孤二齡明年孤又殤家貧室無旁親父鄰之試語以他適輒大哭自是疑父母必終遺嫁也值新歲其母來迎不往至夕投繯死

張氏楊希恩妻夫亡自經以殉其姑田氏故以節著者里人以節烈聯芳稱之

王氏諸生張模妻模客死旅邸聞訃一慟幾絕櫬歸遂自縊時年二十六

王氏劉機妻適機越二年機疾革氏度不能起從容備斂具仰藥死移時機亦死縣令旌其門

曹氏延春妻歸甫三月春客中州逾年沒柩歸氏哭奠盡哀懷木主自經時年十八

鄭氏張埔妻年二十七夫客死黎陽氏營資取柩歸葬畢自

經

范氏栗慶裕妻夫亡遺一子未幾以痘殤姑哭之哀氏曰姑尙有兩子可依婦今已矣遂蓄死志一日姑偶往鄰家氏爲姑備午餐旋自經

趙氏張崇壽妻年十六于歸越二年夫沒視含斂已尋自經死

李氏陳琦妻夫病痿痺醫藥罔效氏爲斂具並已衣裳潛備及夫沒乘閒登樓自經

元氏茹元順妻年二十一夫亡號泣絕粒踰日自經死

張氏侯瑜妻年十六歸瑜越二年瑜以疾卒氏悲哀絕粒而死

盧氏監生田培琮繼妻姑老且病竭力侍養姑沒培琮以毀

卒氏兩次投繯爲家人解救以翁姑未葬遺孤待哺勸之氏
然然未幾夫兄聞訃歸既葬三日語家人曰二老歸土吾兒
業有所託吾志可遂矣乘閒自經有司爲之請旌

成氏雙烈者成登雲妻劉氏歸甯經歲而孀立志身殉一夕
諸姑所問寢畢素妝自經於樞側嘉慶中旌其後有田氏者
登雲弟晉雲妻晉雲沒年甫二十亦投繯以殉

曹氏儒士張致和妻年二十致和沒斂畢尋自經縣令秦維
峻躬往弔爲文誄之并匾其閭

司氏張大全妻夫亡視含斂畢繼於樞前

楊氏李賀祖妻賀祖遺疾氏度不能起先自縊以明志時年
二十三

趙氏劉慧達妻年二十一夫沒於豫之扶溝越二年覩歸號

泣踰旬旋自經又宗人劉志達妻于氏亦以夫客死投繯以
列

王氏楊岱雲妻年二十九岱雲客死中州柩歸號泣不輟淚
盡繼以血尋自經縣令旌其門

成氏廩生田學遜妾學遜沒投繯以殉年二十三

范氏儒士孫步方妻步方病沒氏哀禮兼盡尋自經死年二
十一

趙氏張某妻歸張三年而寡欲從死未遂家義成村後歸甯
經蘆河躍而溺人爭救之氏曰死節分也不受援隨波而逝
及下流尸出顏色如生衣帶皆整一時驚爲奇舉人劉作霖
作歌紀其事

李氏諸生陳原集妾原集年踰八十老病垂危家貧甚氏竭

力奉養不怠及遭喪絕粒三日死

衛氏田鈞妻鈞沒斂畢飲毒以死

喬氏吳紱妻性嚴整寡言笑夫亡後自經死戚黨匾表其廬
衛氏范步衢妻廩生朝陽女年十八夫亡數投繯皆爲家人
覺救及將葬乘間飲毒死於柩前縣令徵匾旌之

張氏原亨貴妻年二十夫亡投繯遇救甦後歸母家絕粒數
日既病乃還遺婢他適仍自縊死

段烈女王存守聘妻也未合香存守卒女聞訃自經

馬烈女二姐縣民馬玉和女白希奉者見而調之女憤甚遂
自縊事聞抵希奉法女予旌

王貞女諸生延弼女許字沁水寶氏未嫁夫亡請於父母歸
寶事姑甚孝五年而卒廷君稱張晉作詩紀之

楊貞女性孝依依母家守貞不字持齋供佛數十年無疾而終族人重之立像佛側以祀

六澤州府鳳臺高平陽城三

縣二百一十二人

山西通志卷一百八十一